

南方政府公報

第一輯

南方政府公報

第一輯

中華民國八年 十月四日 星期六 修字第二百一十二號

軍政府公報

軍政府總務廳印鑄科發行

15553

軍
如

缺目録二一六

1600

通告

政務會議通告章代表士釗等電稱王揖唐煽惑輿論意圖嫁禍南方請電北廷宣言所有不與開議西南不負責等語業經去電聲明電

雲南唐總裁武鳴陸總裁南甯譚督軍李省長貴陽劉督軍成都熊督軍楊省長三原于督軍張會辦郴州譚督軍趙總司令夔州黎聯軍總司令柏總指揮豫軍王總司令巫山迭城口王總司令施南唐總司令長州田張胡林蕭各總司令淑浦周總司令漳州陳省長方會辦抄送廣州林總裁莫督軍李督辦呂督辦鄂軍李總司令賴軍彭總司令均鑒現據章代表士釗等篠日電稱王揖唐昨已抵甯隨帶運動員幾二百人謀以金銀搖動南方人物並煽惑輿論希冀萬一之成功聞王擬於駐滬期內極力遷就兩代表與之開議使其謀和誠意傳播中外南代表再三拒絕彼即返京通電宣布南方罪狀以破壞和平之責嫁諸南方現釗等決議無論公私人資格不與王氏會面對於間接游說之人以一致之論調應付之惟其狡謀所利恐將來輿論為其所惑擬請鈞府立電北廷聲稱王氏曾經拒絕彼不顧南方意見如何強行來滬所有不與開議之責南方不負並述明南方竭誠謀和熟察全國求和之心理希望一比較平和之人物出為總代表北廷竟不之許是何用意等語以為先發制人之計逆料王氏被拒後此次總代表決難派出時局必生混亂詎之軍實恐必不免務望密電各省軍極力准備無任盼禱等語當致誠心

軍政府公報

通告

十月四日

修字第一百十二號

(八)(九)

連一電文曰北京吳仙舟先生鑒奉函電仍未荷明察致爲恨然當條日覆電之後軍府同人私擬執事既志在雷息自不至膠持成見不容有所建議方且鵠候德音乃近接滬電王揖唐雲已抵滬是尊處於未接條電之先卽已飭王南來是否這一方之意氣強全國以必掃海內羣情益滋失望西南電請改派無非竭誠謀和欲一適當之人出任總代表冀大局之早日解決而已而乃深閉固拒對於善意相商絕不採納而王君又悍然不顧強行來滬是直蔑視西南意圖強迫試問對等會議是否強迫可成卽此一端已可推想其結果則尊處且被壞和局之決心所有滬會不能續開西南不負責也特此佈告仰候教言奉春煊伍廷芳陸榮廷唐繼堯孫文林葆懌黃印等謹特電奉聞務希極力準備至盼政務會議奏印(九月廿二日)

命令

軍政府令

田鎮藩楊玉生陳漢欽均加陸軍中將銜羅茂崗蔡鉅猷陶懋功劉叙彝廖湘芸均授爲陸軍少將此令



中華民國八年九月廿九日

軍政府令

陸軍部長莫榮新陳請授劉鑑駿爲陸軍榴重兵少校應照准此令



中華民國八年九月二十九日

軍政府指令

令廣東省會警察廳長魏邦平

呈一件爲胡子才二罪并發應否將該犯咨送法庭按律嚴辦抑由本廳從嚴懲處呈請察核指令遵行由呈悉着即將該犯胡子才咨送法庭按律嚴辦可也此令



中華民國八年八月廿五日

代行國務院職權攝行大總統職務中華民國軍政府指令第一三八號

令陸軍部長莫榮新

陳核廣東督軍據財政廳長楊永泰呈保衛兵營官佐請予分別獎敘由陳悉劉鍾駿已有令明發餘均如擬分別補官給予勳獎各章此令



中華民國八年十月三日

代行國務院職權攝行大總統職務中華民國軍政府指令第一三九號

令陸軍部長莫榮新

陳核廣東督軍請保警衛軍所部立功人員酌予獎叙由
陳悉陳保護來金章二員准照分別補官給章餘均如議辦理此令



中華民國八年十月三日

軍政府任命令第七號

任令李琦爲軍政府少校副官此令



令軍政府少校副官李琦

中華民國八年九月廿九日

軍政府委任令第七號

委任褚勤襄爲軍政府上尉副官此令



中華民國八年九月廿九日

令軍政府上尉副官褚勤襄

公電

劉督軍顯世請由軍府正式宣告中外否認中日密約并電北廷設法取消電

廣州軍政府各總裁各部長參眾兩院莫督軍雲南唐總裁武鳴陸總裁上海孫總裁唐繼代表兩廣督軍卞州譚督軍成都熊督軍漳州陳總司令方會辦均鑒日公感電悉北廷與日本私締各約在在足制全國死命凡有血氣激憤同深我輩絕不承認諒為中外所知惟是未經正式宣示誠恐以者不察視同默許日公偉慮極周至擬請由軍府正式宣告中外對於此項協約一律否認並電北廷設法取消以延國命而定人心諸公卓見如何祈賜明教劉顯世鈐印（十月十六日）

田總司令應詔等請一致主張取消中日密約電

廣州軍政府岑伍總裁各部長參眾兩院莫督軍雲南唐總裁武鳴陸總裁上海孫總裁唐繼代表兩廣督軍卞貴陽劉督軍卞州譚督軍成都熊督軍楊省長陝西于督軍漳州陳總司令張州黎聯軍總司令柏總指揮唐總司令黎湘周總司令武岡周司令各省督軍省長鎮守使師旅長各都統護軍使均鑒頃讀莫督軍致徐總統電於北方所締對日軍事協定及高徐順濟鐵道合辦各約之害痛切陳言謀國精誠深堪贊佩和議久滯已切隱憂然我護法各省堅秉正義挽救救國可徐圖值此戰事已終若仍任對日

之八結狡鄰各約主權盡失國以傾是不亡於內而亡於外誠如所謂無根之木也應請政府及諸公一力主持此議務期根本取消以救危局此電無任迫切之至
敬啟者 汝霖叩印(九月十八日)

唐總裁贊成劉兩督主張切電北廷提請取消中日密約并

軍府正式宣告中外一律否認電

廣州軍政府各總裁各部長參議兩院莫督軍武鳴陸總裁上海孫總裁唐總代表南甯譚督軍都州譚督軍貴陽劉督軍成龍熊督軍漳州陳總司令方合辦陝西干督軍劉黎總司令均鑒日公感電如公統電均悉北廷與日本私締亡國條約原未經正式國會通過我西南決不承認竟前於巴黎外交失敗時曾將片質兩黨之口借款而斷送利權締約作繯自縛以自醜此舉果誰邀青察誠如日公所言若不提請取消則情同默認如公提請由軍府正式宣告中外一律否認並電北廷設法取消盡慮周至均獲我心事關國脉存亡即請由軍府聯名正式通告並切電北廷較為妥捷諸公卓見諒有同情特此奉商統賜裁察謹肅叩印(九月二十二日)

陳省長炯明贊成唐總裁漾電主張由軍府聯名通告否認中

日密約并電此廷設法取消電

督軍熊公館重同袍雖已情至義盡猶冀委曲求全特派張君赴夔燒南黎王兩總司令請其取消重徵勿使外失信川內絕餉源乃到夔旬餘久持不決和時電主退讓冀全大局不圖詎耗傳來我同志張君緝五於本月江日在夔城西門被殺身中二十餘彈而亡天平寔哉譴法勳務其結束竟如是耶卹生等聞耗之下悲憤填膺雖真象未明已疑懼滋甚蓋此犯殺人即逃不爲越貨可知張君面請撤消苛稅與於人民猶有不便以黎王兩司令軍隊密布夔城張君處其勢力範圍之內何至出此意外且張職任財政機關與人無怨卽有不嫌於人之處乃不殺之於重慶而必咎之於夔城且必以二十餘彈相加此令人百思不解也昔魯君入齊死於車上魯人告於齊曰寡人畏君之威來修舊好而不成而不返無以歸咎今張君叩命如髮任務未畢而身遭暗害卹生等推情據理實川大恐謹先將其經過事實及慘死情形電達諸公乞爲主持倘罪人弗得則卹生等與張君同僚同氣私情公館均有未甘隨電慘切伏維察鑒四川督軍署參謀長李郁生副官長兼督衛團長張冲軍務課長劉棧軍需課長薛尙銘軍法課長童顯漢軍醫課長蔡幹暨第五師師長呂超九旅旅長彭遠耀十旅旅長王維綱第一混成旅旅長向傳義寇兵司令李昌權第一師第一團團長張培驥團長李夢騎兵第一團團長鄒有章兵工廠總辦吳有興第二混成旅旅參謀長王炳章江防軍副司令李華經全省警務處長兼警備副司令楊繼炯酒公賣局局長王希鑒省議會議長李羣毓旅參郭崇渠議員景開江錦濤曾造李雖理權余則依並煽率叩英李獻斯范春齊郭湘謝濟安江曉嵐損川涇銀行總理趙公樞高等審判廳長唐賴堯高等檢察廳長程樸叔財政廳長曾寶森旅參總知事薛仲良華陽總知事劉潮冒同叩魚印(九月六日)

黎聯軍總司令天才王總司令天縱聲明張治祥在夔被害與

該軍無涉電

百萬急廣州軍政府政務會議各總裁各部長參眾兩院莫督軍韶州李督辦肇慶林總司令潮州方總指揮龍州陸總裁上海和平會議唐總代表暨西兩各代表貴陽劉督軍王總司令施兩唐總司令柏總指揮涪州趙軍長資州顧軍長重慶黔軍朱參謀長萬縣田梯團長均鑒張君轉五在夔受害其詳情已快郵代電計登清覽茲者於友軍處得聞川甯署參謀長李君郁生諸君通電一則曰爲黎王鹽稅交涉處以勢力範圍之下再則曰張君卽有不恤於人之處何以不死於他而死於夔等語查鄂豫兩軍在夔附收鹽稅實因軍餉無着出於萬不得已既而錫公以稽核干涉電商取消而以雲甯奉開四縣鹽稅爲抵磋商數次非天才天縱等不肯取消實因該四縣鹽稅爲數無幾且無確實把握故迭電錫公并電懇唐聯帥轉電要求另撥的款協濟此亦出於萬不得已之舉此次錫公派張君轉五來夔磋商天才天縱等覆電備極歡迎磋商一次雙方意極融洽未有絲毫齟齬語專候錫公回電指定協濟款項爲最後之解決當時有夔監督襄爬才電局長宋筱九諸君在座此外更有張君同來之康科長均洞悉其事不難一問而知張君來此既係取消鹽稅指撥的款在豫鄂兩軍方且感激之不暇焉有歡迎於前圖害於後之理又況謀害張君於鹽稅交涉上有何損益豈張君一死無咎遂將接濟款項取消鹽稅一事淡然忘之乎抑必在夔城令張君一死而予人以口實乎至愚之人亦不出此至夔城雖軍隊林立而漢川鄂豫

四省軍隊雜居從未發生刺殺案件且張君被害地點并不在敵軍勢力範圍以內是則張君雖爲敵軍之事而來終其被害情形無一與敵軍相涉刻已電錦公派員澈查該能水落石出無待天才天縱等嘆嘆爲也第恐遺道傳聞或有失實特電奉聞黎天才王天縱叩察印(九月十四日)

熊督軍克武請對於補簽德約及宣布中日密約拒絕借貸日

欸數事務力爭以杜後患電

廣州軍政府各總裁參眾兩院雲開唐總裁武鳴陸總裁上海孫總裁譚和總代表各分代表北京徐菊人先生龔仙舟先生各省巡警軍省長省議會均鑒報載日人芳澤氏來華關於山東問題議假欸六千萬與我要求我國補簽德約或由中日兩國單獨交涉均以和議問題關係我國存亡前以國民一致堅持毅然拒簽德約英美輿論亦爲我抱不平之鳴方冀留待國際聯盟會議公平裁判乃日人多方誘脅陰謀百出近復利吾國財政銀窘擬以借款小惠達彼詭謀凡我國人同深憤激夫物必先腐而後虫生之國必自伐而後人伐之吾國近數年來與日本各種密約無不喪權辱國致釀亡徵特由當局中三數宵小思專政擅甘心賣國所致若更益以此種借款愈致糾紛山東問題已成絕症昔英人之表同情於我者將閉口而歎氣矣再者中日密約迭經舉國嚴電要求全體宣布迄未照行如果有議和誠意即當及早宣布對於日人借款表示嚴厲拒絕倘再延誤貽患益滋輿論方張借亡可懼諸公愛國心長務祈力爭以杜後患急不擇言統希鑒察熊克武叩印(九月十六日)

譚督軍延闈等願服從多數民意希望永久和平甘言危詞不爲所動電

萬大急廣州岸總裁伍總裁林總裁參眾兩院上海唐總代表武鳴陸總裁雲南唐總裁甯甯譚聯帥廣州莫督軍李參謀部長馬總司令鄂軍李總司令贛軍彭總司令施南唐總司令黃陽劉督軍成都熊督軍楊省長三原于督軍張會辦衡州吳師長夔州黎聯軍總司令柏總指揮豫軍王總司令巫山送城口王總司令漳州陳省長詔安方會辦汕頭呂督辦韶州李督辦鈞鑒頃聞王提唐已南下隨員二百餘人欲以金錢煽惑輿論希圖開議如不得逞則以破壞利局之舉歸咎西南此種舉動路人皆知王氏屢遭反對國人唾棄猶服悍然不顧輿論兩下不啻與國民宣戰現經軍府一再嚴拒并電滬會勿與接洽南方代表亦已宣言公私均與斷絕陰謀既經揭破伎倆自無所施惟安福系破壞性成甘心賣國王氏既甘爲一黨之奴隸必將百出其陰謀諸公扶危救難久著公忠屏黜點邪尤欽毅力和局前途關係至巨既爲愛國者團結而成不容賣國者圖緣爲利始終嚴拒必有偉謀延闈等服從多數民意希望永久和平心所謂危義無反顧如安福系包藏禍心倒行逆施必以拒絕王氏之故加以破壞和議之名公論猶存人心未死甘言固非所樂聞危詞亦豈敢有懼大義所在矢死不渝謹布愚忱伏惟鑒察謹延闈趙恒惕林修梅張翼鵬林支宇朱劍庚廖家棟曾瀚平譚國光羅先圖劉夢龍李超珩吳劍學李仲韓張繼全瓚蕭昌熾陳嘉祐周則范田應詔張學濟蕭汝霖林德軒胡學仲周偉號印(九月二十日)